



UNIVERSITÄTS-
BIBLIOTHEK
PADERBORN

Chronologia Christiana

Herbipoli, 1694

Sæculum VI. Ab Anno 500. ad 600.

[urn:nbn:de:hbz:466:1-65495](https://nbn-resolving.org/urn:nbn:de:hbz:466:1-65495)



SÆCULUM VI.

AB ANNO 500. ad 600.

S. 1. *Romani Pontifices.*

LIV. **S.** HORMISDA Campanus
 Conf. elect. An. 514. obiit
 An. 523. die 6. Augusti. ad
 hujus Papæ usque tempora Arrianos
 templa & Conventus publicos habentes,
 JUSTINUS Pius Imper. exterminavit,
 nec minus *Eutychianos & Nesto-*
rianos. Ita *Genebrard.* Magna igitur
 sub Hormisda ejus zelo cura & sapi-
 entia Romanæ Eccles: pax introducta
 est, adeò ut & ipsi Magdenburgici
 centuriatores inter Doctores Ecclesiæ
 Hormisdam prædicent.

LV. S. JOANNES I. Tuscus Conf.
 elect. A. 523. obiit A. 526. die 25. Maij
 Constantinopolin ad JUSTINUM
 Imperat: proficisci Rege *Theodorico*
Arriano compulsus ibidem à *Iustino*
 Imperat. cum tota civitate cereis &
 crucibus in honorem SS. PETRI &
 PAU-

PAULI ad duodecim millia passuum obviam prodeunte solennissimè exceptus est. Narrat *Gregor. Mag. lib. 3 dial. c. 2.* equum quo Summus Pontifex vetus fuerat nullo modo potuisse postea iterum à Domina conscendi, quæ illum antea conscendere sueverat. Constantinopoli, autem Reversus & Ravennam evocatus, quòd à Justino tam honorificè exceptus esset, diuturno carcere ob Ecclesiam strenuè contra Arrianos propugnatam à *Theodorico* necatus, & Martyrio coronatus est.

LVI. S. FELIX IV. (aliis III.) Sarmius elect. A. 526. obiit A. 530. die 25 Febr. primo ab Arriano Rege *Theodorico* Pontifex creatus, quam creationem, nec ipse, neque Ecclesia approbavit, sed penitus recusavit, quanquam in Clero dignissimus esset, post dies autem 58. legitimè à Clero elect. eodem adhuc anno mortuo *Theodorico* & Sucedente in Italia *Alarico*, quam Arriano, magnam expertus est Ecclesiæ tranquillitatem: *Cassiodoro* nimirum *Alarici* Cancellario, qui Ca-
tho-

AB ANNO 500. AD 600. 85

tholicus erat, & aulæ postmodum sæculoq; omninò renunciavit, Regis animum moderante, & in Ecclesiæ favorem inflectente.

LVII. BONIFACIUS II. dictus à Græcis AGATHO Romanus elect: A. 530. obiit 531. die 17. Octob. decretum edidit, ut vivens Pontifex successorem nominaret, ne scilicet sæcularis potestas post mortem Pontificis electionem turbare posset, verum ubi id contra Canones antiquos esse edoctus fuit, generosâ humilitate idem decretum revocavit & ipsemet in ignem conjecit, ut omni valore privaret. Ita *Christoph: Ott. in Româ gloriosâ.*

LVIII. JOANNES II. Rom: elect: A. 531. obiit A. 535. hujus Pontificis Laudes his verbis complectitur concilium Carthaginense 217. Episc. A. 535 ut legere est *tom. 2. Concil. in Agapero. talis es qualem Sancta Sedes merebatur habere Pontificem, dignus veneratione, & plenus dilectione. &c.*

LIX. S. AGAPETUS Rom: Conf: elect: A. 535. obiit A. 536. ad hunc
cum

cum *Jus. d. ianus Imper.* misisset fidei suæ Confessionem, Confirmationem petens à Pontifice, eam, quidem impetrauit, sed hac Sententia, insignem ut refert *Baronius An 535. num. 31. Firmamus, laudamus, amplectimur: non quia Laicis auctoritatem predicationis admittimus, sed quia Studium vitæ vestra patrum nostrorum Regulis conveniens, Confirmamus atq; roboramus. &c* hac censura cautior factus Imperator, nullam in posterum privatam confessionem fidei, sed communem usurpavit. Cum rogaretur idē Pontifex literis Imperatoriis ut *Arrianos* Episcopos pœnitentes cum honore reciperet & in Episcopatibus suis permanere sineret, respondit *veros pœnitentes non curare honores.*

LX. S. SYLVERIUS Campanus S. Hormisdæ filius ex legitimo matrimonio ante Sacerdotium susceptus, elect: A. 536, miseria ac fame oppressus martyrii coronam obtinuit in carcere A. 540. die 20. Junij: conspiratione enim *Theodora Imper:* hæreticæ, ac *Vigiliæ Diaconi*, quem illa Papā fieri peropta-

optabat ut hæreticis faveret, per *Belisarium* magnum Ducem *Justiniani* in carcerem, intrusus est, causa afficta quod urbē Gothis proderet cogitasset.

LXI. S. VIGILIUS Roman: elect:

A. 540. obiit A. 555. hic licet tyrannica invasione Papatum ceperit (hujus enim consilio in exilium relegatus est Papa *Sylverius* ut ei in Papatu, promovente *Theodorâ*, & *Justiniano* succederet) postmodum tamen, à Clero in Cathedra Apostolica legitime collocatus revera Pœnituit, & cum ductus esset Constantinopolim nolletque jubentibus *Theodorâ* & *Justiniano*, *Anthemium* (alii *Anthemium*) hæreticum Ecclesiæ suæ restituere, alapis contusus est, ad percutientes autem aliud non respondit quam hoc: *facite ut vultis: Digna factis meis recipio, Malis promissis non est standum, male promisi & pejus adimplerem.* Fune dein per civitatem tractus & in exilium abactus Syracusis mortuus est.

LXII. PELAGIUS I. Rom: elect:

A. 555. obiit 559. die 2. Martij. sub hoc
Pon-

Pontifice Gothi Duce *Totila* Romam capiunt, sed *Pelagij* auctoritate cives ab internecone, & fœminæ omni militum violentiâ immunes servantur. refert *Genebrard*, eundem septem horas Canonicas instituisse.

LXIII. JOANNES III. Rom: cognomento CATELLINUS elect: An. 559. obiit A. 572. d. 5. Julij à *Genebrardo* & *Baronio* ad annum 573. inter Sanctos Pontifices numeratur ob insignes virtutes quibus in Pontificatu præluxit, sub quo *Theodimirus* Suevorû Rex primò ad Eccles. Cathol: accessit magno gaudio & incremento Ecclesiæ.

LXIV. BENEDICTUS I. Roman: cognomento BONOSUS, elect. An. 573. mortuus an. 577. d. 31. Julij, multæ virtutis ac tolerantix in persecutione Longobardorum, quam inter fœvissimas numerandam esse testatur *Baronius*, demum propternimis afflictam Ecclesiam mærore consumptus.

LXV. PELAGIUS II. Roman: ex Familia Gothorum elect: An. 577. à *Genebrardo* in *Chronico* Sanctis adnumerat-

meratur. Consilio & ope usus *S. Gregorij* Orientalem & Occidentalem Ecclesiam Schismate divisam, & Italiam à Longobardis vastatam plurimum regimine suo exhilaravit, & reparavit. donec peste correptus obiit An. 590. die 8. Februarij.

LXVI. *S. GREGORIUS* Rom: cognomento Magnus elect. 590. depositis honoribus muneribusq; Sæcularibus ad amplectendam vitam monasticam, sex monasteria erexit in Sicilia, & unum Romæ. Acerrimus adversus hæreticos, & fortissimus in Ecclesia Dei propagandâ. Primus fuit qui se scripsit *SERVUM SERVORUM DEI*, Ut reprimeret *Joannis Episcopi Constantinopolitani* arrogantiam qui se *PATREM OECUMENICUM* nuncupavit, omnes alios Episcopos infra se tanquam simplici titulo Vicarios despiciens. Obiit An. 604. Mart: 12. Regim: 13. rebus tam præclare gestis ut ipse Calvinus *Gregorium* appellet *S. PONTIFICEM lib. 4. Instit. c. 7. §. 22. & VERUM ECCLESIE ROMANÆ EPISCOPUM, lib. 4. c. 17. §. 49.*

E

§. 2. Ro-

S. 2. *Romani Imperatores.*

LIV. **J**USTINUS I. THRAX è Bulco Imper: clarissimus, fidei Catholicæ defensor, & propagator inter alia liberalissimè Ecclesiis donata obtulit Romæ Patenam auream xxv. pondo, gemmis decoratam, sic *Baron: an. 526. num. 8. SYMB: quod pudet hoc pigeat.* Imperavit An. 9. decessit An. 527.

LIV. JUSTINIANUS Nepos JUSTINI ex sorore, à pietate & Justitiâ, quam initio sectatus est, celeberrimus Imper: usus in condendis legibus *Triboniano* gentili J. C. defecit tandem ad hæresin *Euych*: Causa lapsûs fuit partim, quòd se nimis Ecclesiæ negotiis immisceret, partim quòd hæreticis familiarem se fecerit, reliquam vitam in Catholicis graviter infectandis traduxit usque dum morte repentinâ sublatu est A. 565. Imp. 38. pro illius conversione stat *Nicephorus & SS Gregorius & Agatho* honorificè de eo loquuntur, sive ob aliquam de eo conceptam

ptam pœnitentiæ opinionem, five quod hæresin suam nullo edicto promulgaverit, multa vero edicta pro fide Catholica ediderit. *Baron. An. 565 num. 3. 4. 5. SYMB: ejus Summum Jus, Summa injuria.*

LVI. JUSTINUS II. Nepos JUSTINIANI ex sorore *Vigilantiâ*, in Imperii sui primordiis egregiæ virtutis suæ signa dedit, sed moribus factus est supra modum dissolutis. Unde & Symbolum ejus fuit: *Libertas inestimabilis*. Cum à mago aliquo fascinatus esset, Sanatus est divinitus, illius fræni tactu, cui clavus Christi insertus erat. Ita *Gregor: Tur: lib. de gloria Marty: c. 6.* assumpsit Collegam *Tiberium*, & cum eo imperavit ab an. 578. usq; 582.

LVII. TIBERIUS CONSTANTINUS. Liberalissimus in pauperes, reprehensus ideò à *Sophia Augusta* respondit: *non deerunt unum fisco nostro;* quam etiam fiduciam sibi placuisse ostendit Deus. Nam thesauro plus quam centum millium nummorum aureorum reperto, ansam accepit TIBERIUS

suam magis ac magis in pauperes inflammandi charitatem, donec naturæ cessit an. 586. SYMB: *Stirps pauperum, thesaurus divitum.*

LVIII. MAURITIUS TIBERII gener regnandi percupidus, & simul fidei Catholicæ Studiosus defensor. Ob avaritiam militibus exofus, conjuge ac liberis ante oculos ejus trucidatis à PHOCA peremptus est. A. 602. Imp. 16. SYMB: *Quod timidum, idem & crudele.*

S. 3. Concilia.

Concilium quadruplex *Roma*, duo An. 502. tertium 503. quartum An. 504. sub *Symmacho*. AGATHENSE An. 506. AURELIANENSE 507 ad postulationem *S. Remigij* à *Clodoveo* Rege procuratum. EPAUNENSE sub eodem *Symmacho* 509 à *Sigismundo* Rege Burgundio, Præfide *S. Avito*. TARRACONENSE 516. ILERDENSE sub *Ioanne* I. An. 524. VALENTINUM 525. Tolitanum II. 531. Constantinopolitanum 536. & Hierosolymitanum eodem anno. AURELIANENSE II. III. IV. & V. 536.

536. 540. 543. 552. CONSTANTINO-
POLITANUM II. Oecum: contra Orige-
nistas, 553. PARISIENSE I. 559. CLA-
ROMONTANUM in Avernia Anno 541.
BRACARENSE 563. XANTONENSE 569.
TURONENSE II. 570. LUGDUNENSE I.
570. II 587. MATISCONENSE A. 582.
& II. 588. HISPALENSE 590. Cæsar
AUGUSTAN. 592. BARCINONENSE 599
contra Simoniacos. Omnia communi
Ecclesiæ usu recepta Concilia.

S. 4. Schismata.

L *Aurentius Romanus* contra *Sym-*
machum creatus Antipapa, *Festi Pa-*
tritij factione, dejicitur à Concilio II. in
quo 115. Episcopi, & Rex *Theodoricus*.
A. 502. *Schisma quartum in Ecclesia fe-
cit Schisma quintum, per *Dioscorum*
Simoniâ infamem, qui contra *BONI-*
FACIUM II. elect. in Antipapam, brevi
cum suo Schismate extinctus est. A. 530
* *Felix* & *Vigilius* aliquamdiu Schisma-
tici tandem facti legitimi Pontifices.

S. 5. Propagationes Fidei.

A Nglo-Saxones conversi ad fidem
E 3 in

in Northumbria à *S. Iusto* Episc. anno
 565. * Visigothi Arriani conversi ad
 fidem Catholicam à *S. Leandro* Episc.
 Hispalensi, qui ordinatus erat An. 569
 obiit an. 603. * Armeni conversi, * Item.
 Hispania & Occitania cum *Reccaredo*
 Rege: * Boij sive Bavari per *Rupertum*
 Episc. * Longobardi cum *Adulpho*
 Rege & Uxore *Theodelinda*. * Himerani.
 * Austrasij per *S. Amandum* denuò
 edocti. * Blemeyes populi Æthiopiæ
 agente *Iustiniano*. * Picti per *S. Colum-*
banum. * Sardi barbarici auspiciis *S. Gre-*
gorij Magni. * *Naaman* Rex Saracenus
 cum suis, * Angli denuò per *S. Augustin.*

S. 6. Persecutiones Fidei.

A *Nastasis* Imper. hæreticis in O-
 riente favens Ecclesiam Catho-
 licam vexat. *Theodoricus* Italiæ Rex
Arrianus in *Ioannem I.* Papam in *Boë-*
tinum & *Symmachum* sævit. *S. Sigis-*
mundus Rex Burgund: Martyr cadit
 526. *S. Hermenegildus* Rex iussu patris
 obtruncatur 583. *S. Golaudus* insignis
 Martyr in Perside 593.

S. 7. San-

§. 7. *Sanctitate Clari.*

S *Avitus Viennensis Episc: 521. S. Brigidida Scota 521. S. Maria Egypt: 525. S. Benedictus cum Sorore sua Scholasticâ 540. S. Leonardus 546. S. Maurus 562. S. Medardus 564. S. Radegundus 500. S. Germanus 559.*

§. 8. *Heretici.*

S *Everus à quo Severiani sive Acephali. Aphtartodocitæ qui & incorruptibiles Phantasiastæ, Gaiunitæ dicuntur, Tritheitæ. Monophysitæ. Monothetitæ, Jacobitæ à Jacobo Zanzalo. Barfaniani. Traditæ, Canonitæ. Cantobabditæ.*

§. 9. *Initia Religios. Ordin.*

S *Benedictus Ordini suo initium dat anno 520. Monachos informant S. Egidius Abbas in Gallia Narbon: An. 520. S. Eugenius Abbas in Iurenst Monaste: S. Claudij: S. Romanus Abbas in territor: Lugdunensi An. 520. Theodora ex Scorto Augusta & Uxor Iustiniani conversas meretrices in unum cætum adunavit. ex Procop. in bist. arcane*

§. 10. *Initia Regn. & Princ.*

Q *Uadripartita Regni Francici divisio*

visio inter *Clodovai* filios *Lotharium* vel *Clotariū*, *Theodoricum*, *Clodomirū*, *Childebertum*, Sueffione, Metis Aureliæ, Lutetiæ regnantes. 515. * Longobardi occupant Pannoniam 549. * Polonici Principatus initia 550. * Longobardici in Italia 570. * Exarchorum Ravennatum in Longino 566. * Vafcones ex Hispania Citeriori plana Aquitanix occupant. 587. * Moxq; Sclavi Illyricum.

S. II. Instit. Sacror. Rituum.

Beneficiorum origo sub *Symmacho* Papa, cum antea stipem acciperent Clerici. * Anni cœpti numeraria Christi Nativitate sub *Iustiniano*. * Festum Purificationis Deiparæ ob liberatam à lue urbem *Constantinopoli*: Pontif: *Bonifacio* A. 545. * à *Pelagio II.* horæ Canonice privatim recitandæ ab ordinatis in Sacris, qui choro interesse nequeunt A. 560. * *S. Gregorius* instituit in Ecclesia antiphonas in missa* modum Chori & psalmodias. * Litani-
as seu supplicationes majores, quæ
longè

longè ante in usu erant apud Græcos
 in Festo *S. Marci* ordinavit. * Quatuor
 dies ab initio quadragesimæ adjecit. *
 Novies Kyrie eleison, Alleluja & Of-
 fertorium dicere jussit. * Statis diebus
 Ecclesias frequentanti delictorum pæ-
 nas Canonicas condonavit. * Præpo-
 suit horis Canonicis versum: *Deus in*
adjutorium &c * Incepit Stationes Ro-
 mæ, & Scholas musicæ. * Adoratio-
 nem crucis nudis pedibus feria 6. in
 passione, *Genebrard*: Errant autem qui
 putant nomen missæ ab ipso excogita-
 tum cum reperiatur. apud *S. Ambrosium*
 & *S. Augustinum*, & antiquiores Patres.

*S. 12. Nova Reperta & Na-
 tales Urbium.*

Specula ænea Uistoria *Procli* in-
 ventum 514. * Justinianus Co-
 dex ex tribus Codicibus *Hermogeniani*
Gregoriani & *Theodosiani* confectus per
Tribonianum aliosque Jurisconsultos
 529. * *Tribonianus* cum aliis Mandato
Justiniani ex immensa legum multitu-
 dine quæ in librorum duo millia, &

versuum trecies centena millia excre-
verat 50 Libros Pandectarum seu Di-
gestorum per titulos ordine digessit.
533. * Serici ex ovis bombycum con-
ficiendi ratio innotescit Europæ per
Monachos ex India appulso An. 557.
* *Iustinopolis* ab Istris Sclavonico tu-
multu territis conditur in Capraria In-
sulâ. * *Crema* metu Longobardorû 570.
* *Imola* 575. * *Victoria* Civitas à *Leovigil-*
do Hispano conditur A. 580.

§. 13. Natur. Discipl. Periti.

D Fulgentius Episc. Boëtius. Diony-
sius exiguus. D Anastasius Sinaita
Ep. Liberatus. Ennodius Episc. D. Victor
Caprianus. E. Procopius Gazæus. Pro-
masius E. Ioan. Maxentius S. D. Cli-
macus. Cassiodorus. Hesychnus Ep. D.
Gregorius Turan. E. D. Gregorius Ma-
gnus P. Petrus Diaconus. Fortunatus E.

§. 14. Natur. Discip. Perit.

I Tribonianus cum aliis 16. Jurisperitis
• compilerator Digestorum. Theophilus.
Dorotheus. P. Damascius. Simplicius. Jo-
annes Philipponus. Boëtius. *Math.* Hero
Mecha-

AB ANNO 500. AD 600. 99

Mechanicus. Heliodorus Larissæus. Philol.
Priscianus. H. Procopius. Agathias. Jor-
nandes, Marcellinus comes. R. Thelesinus
Elius. P. Fortunatus Arator, Merlinus. Ca-
ledonius. Vates Anglorum.

§. 15. *Strategi & Prælia.*

A *Laricus* cadit manu *Clodovei*. &
Exercitus immensâ strage affi-
citur An. 507. * Octoginta armatorum
millia à *Theodorico Ostrogotho* contra
Clodoveum submissa configunt Cæsis
20. Francorum millibus An. 508. *
Belisarius & *Narses Buccellinus* immen-
sa strage in prælio affectus ad Capuam
à *Narsete*, A. 555. * *Belisarius* Roma-
norum spes & gloria ita à *Iustiniano*
iterum depressus fuit ut mendicare co-
geretur his verbis: *Date obolum Belisa-
rio, quem virtus exulit, invidia depressit,*
* Dux Mauritii *Philippicus*.

§. 16. *Universit: & Scholæ.*

I nstaurata per *Iustinianum Betyrensis*
Academia terre motu excisa. * Scho-
læ Romanæ Theologicæ ab *Agapeto*
Papa Institutæ An. 535.

§. 17.

§. 17. *Res Memorabiles*

Olympus quidam in Africa cum
 positus in balneo SS. Trinitatem
 blasphemassetelo igneo de cœlis mis-
 so aduritur An. 503. *Sigib.* * Episcopus
 Catholicus cum Ariano de Fide dispu-
 tans zelo accensus hominem invitat
 ad fidem suam ignibus comproban-
 dam, quod recusante Ariano Catholi-
 cus per ignem Salvus transit 506. *Ce-
 drenus.* * Arriano Episcopo Constanti-
 nopoli alia formâ quàm Catholicorum
 baptizante, aqua baptisterii dissi-
 506 *Sigib.* * Corpus S. Antonij Magni
 repertum divina revelatione. * E-
 pisc. aliqui Orthodoxi quibus Wan-
 dali linguas absciderunt, divinitus ta-
 men locuti sunt sine impedimento A.
 530 * *Turonis* ex pane abscisso sanguis
 verus effluxit *Sigib.* A. 583. * In Nilo
 visa animalia utriusq; sexus figura hu-
 mana ad renes usq; prædita, quæ Dei
 nomine adjurata à prima luce usq; ad
 nonam se conspicienda præbuerunt.
 An. 586. * Jesu Christi tunica inventa
 publi-

publiceque honorari cœpta Hierosoly-
 mis An. 593. *Genbr. in Gregor:* * Con-
 stantinopoli infans quadrupes nasci-
 tur *Sigib* An 595. * Pseudopropheta
 quidam Bituricensis ex fatuo ductor
 exercitus grassatorum plusquam trium
 millium tandem astu opprimitur 596.
 * *Machomet* ab *Ismaele* originem tra-
 hens *Abdalâ* patre, *Henniâ* matre, stir-
 pe vigesimâ tertiâ nascitur An. 600.
 Primus *Arabum* seu *Ismaelitarum*, sive
Saracenorum (vel à *Sara* Uxore *Abra-
 ha*, vel à *Sara* monte quem ipsi incole-
 bant) eorumque Pseudopropheta edo-
 ctus à *Sergio* & *Ioanne* Arianis, Mona-
 chis, legem ex Judæis, gentibus, &
 Christianis composuit, quam partim
 verbis & prodigiis mendacibus, par-
 tim armis hominibus persuasit.


§. 18. *Eventus Tragici.*

A *Alexandria* multi utriusque sexus à
 Dæmone possessi canum instar la-
 traverunt An. 515. *Sigib.* * *Antiochia*
 ingenti terræ motu atque incendio sub-
 versa est & concremata, ita ut *Euphra-
 sis*

sius Episc: & populus innumerabilis illic interierint An. 525. *Baron. in hoc anno num. 13.* * Fames tanta in Italia ut matres suos liberos comederent. *Geneb. in Vigilio* An. 539. * In variis Gallix Provinciis signa permulta. Cometa in die Paschatis: Cœlum igneum: Sanguis verus defluit in vestimenta hominum: Secuta ingens calamitas: & morbus pustulis & vesicis horrendus *Sigib.* An. 541. * Pestis gravissima ab Ægypto orta, & mundum universum per annos 50. pervagata *Baron An. 544.* * *Totila* Italix vastator FLAGELLUM DEI cognominatus *Palm.* An. 545. * Mons Rhodano imminens à monte contiguo abruptus post editos mugitus multas domos, Ecclesias & homines obtrivit An. 562. * Diluvium ingens *Venetis* cum ingentibus tonitruis permixtum, quod pestis subsecuta ob factorem Serpentium in ripas ejectorum An. 586. *Palm.* * Romæ pestis sæva An. 590. qua *Pelagius II.* mox extinctus est. & A. 591. pesti accessit gravius malum, plurimi enim solâ stertuta-

AB ANNO 500. AD 600. 103

nutatione animam effundebant; Unde sternutantibus piè apprecandi consuetudo confirmata est.



SÆCULUM VII.

AB ANNO 600. ad 700.

§. 1. Romani Pontifices.

LXVII. **S**ABINIANUS Italus * elect. A. 605. Gregorio successit, sed non sedit nisi menses quinque; constituit coram venerabili Sacramento lumen perpetuum & ut ad horas diurnas in Ecclesiis pulsaretur. Subitâ morte extinctus An. 605. d. xi. Martii.

LXVIII. BONIFACIUS III. Roman. elect. A. 606. Sedit non nisi novem mensibus: à *Genebrardo Sanctus Pontifex* appellatur. Illud effecit per PHOCAM Imper: ut titulus PATRIARCHA OECUMENICUS quem sibi *Constantinopolitanus* Patriarcha superbè arrogârat nulli præterquam Romano Pontifici attribueretur; ob quam causam